

課慎堂詩集

詩集

卷之八

卷之九

卷之十

卷之十一

唱和

邁征

以永

四聲

倡和集自序

詩可以興且復言志同聲相應要歸無邪至聖立教六義
實先倫物攸關遠邇畢備豈曰玩光景騁藻麗哉野服荒
陬萑苻驚怪淮魯半壁屢勞清問余忝職斯惴侔太叔臯
非善化鳳豈得衰二三同人斟酌規勵鞠躬盡瘁漸獲安
全枳署甫成茅亭初葺挹清馨抒素抱連榻燒燈遙深興
會茶鐺酒臼寄托良殷如云騁玩非所敢出矣和予倡汝
俱根情志引伸連類悉叶風謠或亦興之一機乎遂次錄
之爲倡和集

之公詩集

丹外詩法傳出... 風韻... 亦與之一...

會茶論... 全味... 共善... 羽... 實... 精... 昔...

全味... 共善... 羽... 實... 精... 昔...

共善... 羽... 實... 精... 昔...

羽... 實... 精... 昔...

實... 精... 昔...

精... 昔...

昔...

課慎堂詩集卷之八

倡和集目錄 附牛元復題

積雨漫興 一倡一和

贈廣寧公 元復

立秋 一倡一和

答贈

西齋漫述 一倡一和

秋夜同廣寧李司馬論說古籍不覺樽酒都盡賦此

元復

前題和韻

秋日同友人賞庭中花各題一種余分茉莉拈韻得

香字

前題分咏鳳仙得呼字元復

再贈廣寧公元復

答贈

怨風一倡一和

風辨一倡一和

諸君拈花分咏獨遺蘭將謂不言自芳耶漫成口號
補之一倡一和

秋夜同友人賦得月移竹影卽席分韻得留字

前題得光字元復

秋海棠一倡一和

又分雞冠得情字

分咏芙蓉得兼字元復

又分得月季得栽字

分竹得吟字元復

和咏雞冠元復

和元復咏竹韻

玉簪花一倡一和

金魚一倡一和

賦贈元復兼懷聖敬

和廣寧公見贈並懷聖敬之作步韻元復

自述示元復

前題和韻元復

酌酒與廣寧公元復

答和前題

偶筆示元復

前題和韻元復

戲贈元復

答戲贈卽和原韻元復

夢咏蕉醒時一字不遺卽呼僮張燈錄之

和夢咏蕉韻元復

咏水仙一倡一和

水紅花爲風所折詩以惜之一倡一和

戲問元復

答問元韻 元復

秋夜同友人談詩言及樂天遺事即席醉成四絕一

倡一和

秋夜不寢惟聞蟲聲因賦一絕 一倡一和

嘲蛙 一倡一和

賦得嫦娥已分八字眉 一倡一和

鳴蟲 一倡一和 即事 一倡一和

奕 一倡一和 秋思 一倡一和

賦得孤雲野雀 一倡一和 咏蘭分賦得青字 元復

前題得同字 贈廣寧公 元復

答贈元復和韻並東鸚立上人

秋日即景 一倡一和 將奈何 一倡一和

看茉莉 一倡一和 客病無聊作小詩自娛 元復

元復以客病無聊之作見示即步原韻慰之

憂蝗 一倡一和 午睡起偶成 一倡一和

客懷 一倡一和 桂花 一倡一和

咏桂聯句 贈書 一倡一和

代書答 一倡一和

外書卷之八

課慎堂詩集卷之八

課慎堂詩集卷之八

倡和集 附牛元復詩

銀城李興祖廣寧著 受業陶 岐文治

古駮王 楫汾仲定 男 鰲又白 校

積雨漫興

侵堦漫砌水泆泆積霧迷空望不分青島雀歸烟裏樹蒼
溟龍起海中雲庭添蕭颯惟湘竹厨近荒涼但野芹塵金
蛙遊凡幾許傷心欲作送窮文

前題和韵

牛元復

潤枯活涸總泆泆竹響蕉聲聽裏分直合一清滄海霧

不妨重布泰山雲
汗流彩筆饒沾柳泥漲青坊足漑芹
連震阿香鯤欲化好瞻秋水識龍文

自嘲

牛元復

不寫黃庭不讀書
大餐大飲老居諸
只宜長牧公孫豕
那得重歌甯戚魚
爽氣隨琴來桂樹
清香趨酒送芙蓉
狂吟狂笑酬知己
一覺松風問敝廬

和韵

官坊還藉數行書
治効於民尚有諸
初攝巖疆疑射鵠
新分大府愧懸魚
月當幽徑烟籠蕙
風度迴塘露滴藻
不厭家常藜藿食
頻將臥閣當茅廬

贈廣寧公

有引

牛元復

沂邨海贛淮魯巖邑
特簡司馬以舒東顧廣寧
李公實勝此任官署
肇建四城安堵賦此爲紀
非諛美也

荒岑刈棘肇槐衙
熊轂新驂白鼻騮
攬轡秋高風一路
揮絃夜靜月千家
與諸友會仍論史
得片時閒卽種花
鎖鑰東南增氣色
五雲疊映赤城霞

答贈和韻

擊析宣班報曉衙
旋芟荆棘縱鳴騶
山清菴穴狐無跡
秋淨沙平雁有家
醉似步兵堪倚竹
閒如徵士但栽花
一官

淹滯荒陬裏逐日琴堂看暮霞

立秋

牛元復

年年都有立秋時荏苒流光那用悲
頭白眼昏非怪事
天清氣爽是佳期雙鎗蕙露朝仍煮
一笛荷風晚更吹
無恙河山寬濶甚青鞵布襪任吾之

前題和韻

送秋又到立秋時一度秋來一度悲
風抱猶憐如宋玉新
知誰復似鍾期兼葭露氣迎眸入
菡萏風融拂面吹疎柳
鳴蟬聲漸厲欲思作賦愧延之

贈廣寧公

牛元復

由來知己果難尋感激恩同鮑子深
不以趨承繩賤士
每當花月許狂吟荷藏釣艇千聲雨
柳護山亭四面陰
懊惱生成猿雀性偏懷豐草與長林

答贈

沂陽旅次始逢君揮塵雄談迴絕羣
信史爭傳安道質摹
碑細譯伯喈文辭肝不欲勞安邑掛
劍曾知念故墳杖履
翛然烟水外爲耽魚鳥遠塵氛

七夕分韻得河字

良會今宵定若何年年莫負鵲填河
可應有恨成襄錦豈
謂無郎擲玉梭南國瓜時爭乞巧
西陵月下慣傳訛世間

離別終難極惟此千秋誓不磨

前題得然字

牛元復

佳期底謂動經年駕鵲乘橋恐未然賣我文餘機上錦
償他二萬嫁時錢儘多瓜果堪相贈况復關梁得自專
一歲天宮纔一日防人夜夜笑同眠

西齋漫述

牛元復

說會情懷講會禪尋思都有舊因緣殊非玩世兼遺世
或是詩仙與酒仙竹韻風邀來枕上花陰月送到牕前
道人自識清虛味取笑兒童六十年

前題和韻

秋入潭心一味禪全無色相着塵緣松聲入座邀詩思桂
影橫牕臥醉仙愁絕他時花落夜情輸此夕月明前長年
不用還丹術適性偏宜老酒泉

秋夜同廣寧李司馬論說古籍不覺樽酒都盡賦此

寫懷

牛元復

雨洗秋山夜氣清披襟脫帽話三更參差弄影花無賴
寂寞流光月有情廿一史須求實際十三經不尚虛名
陶然拚共青蓮醉一覺齁齁睡到明

前題和韻

靜夜虛堂百慮清坐談今古到深更朦朧桂月香迷影縹

緲蘭風韻動情史記長留司馬績離騷珍重屈原名可知
興劇增疊耻醉眼重醒笑更明

秋日同友人賞庭中花各題一種余分茉莉拈韻得

香字

怪爾僂僂只淡粧藏嬌却愛玉爲堂冰凝龍洞鱗無彩珠
綴鮫宮淚有光看去清華團曉露拈來素影帶晨霜他年
倘許修花史逸客應推第一香

前題分咏鳳仙得呼字

牛元復

奇葩合是出仙都名字無慚作鳳呼
朵朵風吹如化羽
枝枝霞舉似將雛來看豈敢題凡鳥
移植偏宜傍碧梧

却憶秦樓雙跨處彩雲滿地月明孤

再贈廣寧公

牛元復

家藏萬卷本風流三次遙將厚幣投下士全如劉大耳
著書迴軼范長頭官雖擬隼輝揚鳳花自開春種到秋
愧乏杲之才與學教人妄議武鄉侯

答贈

幾卷殘編輒自憐勞君珠玉贈連篇詞傾三峽波瀾老學
富千箱錦綉傳開徑幸臨文舉客探囊還剩退之錢不嫌
村落無兼味釀秫烹葵且判年

怨風

詞館堂詩集 卷之八 五
徒倚迴欄恨曉風不堪狼藉此花叢掃來紅紫堆成塚鶻
泣鶯啼弔故宮

風辨

欲與東君仔細商飄飄休怨恣輕狂偶然披拂芳叢過爲
送幽蘭一段香

前二題和韻

牛元復

怨風的是怨狂風豈怨清涼在竹叢不見江頭翻巨浪
險些斷送釣魚翁
悔逐鹽船大腹商不教輕款只教狂主人倘肯相遮護
願附蘭香與桂香

諸君拈花分咏獨遺蘭將謂不言自芳耶漫成口號

補之

叢叢葉裏數莖抽雖雜羣花亦自幽誰向東臯取作佩同
心人在月中樓

前題和韻

牛元復

九畹清香縷縷抽曳風綴露自然幽將誰爲友芳如此
玉桂無聲月滿樓

秋夜同友人賦得月移竹影卽席分韻得留字

空庭如積水倚檻獨遲留愛此瀟湘種兼多浩蕩秋乍疑
鸞影動轉覺兔光浮萬籟無聲處脩脩風韻悠

前題得光字

牛元復

脩脩翠杪拂雲涼
濯濯晶盤夜注光
歷亂恰纔臨曲檻
扶疎忽又到迴廊
溪邊逸者陰應惜
林下賢人興合長
莫遣素娥空取笑
逐形掃跡只奔忙

秋海棠

牛元復

海棠春咏自來饒
秋海棠開客思消除却
輕盈無可寫
至於淡雅更難描
號姨面對青鸞鏡
羸女唇連紫玉簫
吟罷翻嫌脂粉樣
涼風涼露度花朝

前題和韻

花到秋時艷更饒
對花不覺已魂消
纖唇輕露堪誰寫
弱

態微酣若個描
浴罷姨家勻綠鬢
睡餘妃子弄瓊簫
爲看上苑多仙種
耐得淒涼曾幾朝

又分雞冠得情字

沿堦列砌似相迎
倚檻憑欄若有情
方就紅綃觀艷態
忽驚絳幘報殘更
開關不爲聞君喚
起舞還思得爾鳴
莫怪秋來少侶伴
丹楓紫桂共淒清

分咏芙蓉得兼字

牛元復

遙汀近渚任魚潛
或倚荷蒲或倚蒹
瓣比水仙花略少
葉如菱角子猶尖
沉雲黑簇波漂米
映月光分雪撒鹽
糜爛焉能同小草
西灣別處有雙鸚

又分得月季得栽字

晚涼無事立蒼苔分得奇葩手自栽
臉似明妃粧後拭唇如樊女笑初開
寒暄吐艷濃兼淡蜂蝶巡香去復回
卽此何須尋異種呼僮重理舊罇罍

分竹得吟字

牛元復

標標脩竹石墻根日向幽人伴苦吟
亢地亦含風雨意炎天猶抱歲寒心
翠凝露葉晨浮硯聲播烟梢夕入琴
寥寂對君良不俗月明還坐一亭陰

和咏雞冠

牛元復

鳳仙金雀滿堦墀何似雞冠種種奇
小大只須分子母

白紅未許別雄雌獨莖昂若方鳴際
雙朶橫如欲鬪時喜共劉安花下犬
不驚夜月守籬籬

和元復咏竹韻

數少湘種已成林逸韻悠颺若鳳吟
篔簹谷每傳文子筆淇園常見武公心
聲隨衆籟鳴風壑影入幽牕伴月琴
一自黃門經品次此君堪對在秋陰

玉簪花

牛元復

青玉琵琶碧玉絃柱攢白玉弄尊前
搔頭欲墮嬋娥醉滿鬢天香抱月眠

前題和韻

淨掃階除撫七絃美人解聽立風前搔頭新樣凝粧坐欲
伴嫦娥不忍眠

金魚

牛元復

勺水誰云不是川綠萍點點大於蓮不須領下明珠燦
一片金光甕裏天

前題和韻

豈必臨流歎逝川坐看金鯉簇池蓮紫雲影亂波心月紅
玉光涵水底天

賦贈元復兼懷聖嶽

知君鄒馬舊齊名郢曲燕歌人自驚得句囊應同李賀等

身書肯讓虞卿月移庭桂銜杯興秋老江楓望遠情雲樹
幾回勞夢寐籃輿重過話平生

和廣寧公見贈並懷聖嶽之作步韻 牛元復

吾輩論交豈慕名多君寵辱不能驚藥師自合為師相
仙客何辭作客卿已慰登龍前日願況同棲鳳故人情
高懷應與虛文別醴酒殷殷笑穆生

自述示元復

閒時顧影意婆娑擊節狂吟似着魔欲守庚辛能有幾不
知甲子可還多月明次第移花砌風韻流連送棹歌自笑
邇來惟曠放青尊常續面常酡

前題和韻

牛元復

狂來拈筆舞婆娑不那詩魔與酒魔好景每逢閒處少
清樽況對故人多花開向月疑陪笑雀啜當風欲和歌
一紙烟雲飛未了紅燈爛熳醉顏酡

酌酒與廣寧公

平生不着一毫疑但遇名流卽故知於我倘容諸事懶
與君先定十年期白雲鋪徑隨挑藥紅藕圍船伴覓詩
形迹都忘秋不冷竹陰松影月離離

答和前題

忘年交已有年期尤覺行藏覲面岐豈以空疎甘自老方

將不朽與君知燈前伎倆窮山鬼月下精神縱酒卮此夜
豐城雙劍合高秋星斗正參差

偶筆示元復

幾回飄泊歎飛蓬萬事淒涼羈旅中柳絮那堪經暮雨桃
花自是怯春風流鶯刷羽藏深綠匹馬衝泥踏落紅記得
尋芳南陌路笙歌騰沸宋家東

前題和韻

牛元復

屋是茅茨戶是蓬酒中趣味在花中若非梅傲休衝雪
須是蘭芳始耐風善飯好思菰沼黑學書宜趁柿園紅
悲秋轉恐秋虛度倔強揮戈日影東

戲贈元復

澹臺豈可獨觀貌王湛何嘗不似癡丘壑等閒人未到春
秋皮裏有誰知

答戲贈卽和原韻

牛元復

呼牛呼馬任憑誰武子休言叔不癡多苦卞和三被別
璞中本自畏人知

夢咏蕉醒時一字不遺卽呼僮張燈錄之

一葉芭蕉七尺長詩人題字兩三行怪他清介同秋竹不
與羣花爭艷陽

和夢咏蕉韻

牛元復

覆鹿依然日正長鋪雲展雨自成行供書要引文通筆

葉葉華胥故向陽

咏水紅花

艷艷凌波復綴沙幾枝高出映殘霞自應看作雞冠樣何
事名爲狗尾沙

前題和韻

牛元復

綴綴常酣柳岸沙離離偏抹水天霞分明竹上湘娥血
錯向江頭認蓼花

水紅花爲風所折詩以惜之

欲留芳種種村注忽被封姨折却花急取膽瓶注新碧好

詩懷堂詩集
卷之八十一
借紅燭映牕紗

前題和韻

牛元復

纔喜垂垂幾縷霞忽然吹折奈何花
題詩轉慮風凋墨
可有人籠一段紗

戲問元復

欲憑蹤跡遍天涯水遠山長路恐賒
世上炎涼誰作俑人間豐儉自成家
浮生空逐雙輪轉全局那容一着差
風雨憑來侵令節幾驚啼鳥與飛花

答問元韻

牛元復

如環往復是生涯方寸河山道路賒
奕葉薪傳義一畫

長春檜在魯東家個丸自有元黃別
雙鏡原無左右差
刺刺寒溫談不了與君再看幾番花

秋夜同友人談詩言及樂天遺事卽席醉成四絕

却悔生平枉費思狂吟豪飲與探奇
不求脉望能嘗字惟願家婆解念詩

其二

惟憑數語寄遙思司馬何常故好奇
却怪劉伶耽舊癖翻憐賈島祭新詩

其三

每懷庾信異鄉思故借清秋琢句奇
眼底光陰口角語敢

云比似杜陵詩

其四

疎懶由來絕怨思閒看春樹夏雲奇將酌知已無他物點
染風光幾首詩

前題和韻

牛元復

一思確確勝千思全不求奇乃更奇狂客休誇鸚鵡賦
謫仙早就鳳皇詩

其二

只見銜杯不見思桃花流水自然奇便將白壁連城價
誰購青蓮七字詩

其三

李白篇篇不假思家常話裏有神奇都刪擁鼻花前句
那數弓腰畫裡詩

其四

半百餘俚不會思霜毛花眼尚求奇憑將下士蒼蠅笑
要和仙人白鹿詩

秋夜不寐惟聞蟲聲因賦一絕

啾啾唧唧不停聲徹夜牀頭苦自鳴應恐老夫如宋玉故
將絮語問私情

前題和韻

牛元復

依牀傍壁雜秋聲
不管人愁只管鳴
皎月一簾花影亂
問誰能遣此時情

嘲蛙

全無音韻叶宮商
不為公私何太忙
一怒車前應笑汝
那堪聒聒亂人腸

前題和韻

牛元復

鼓吹一部奏清商
應雨呼風處處忙
玉兔偷吞三粒藥
金蟾怒斷九迴腸

賦得嫦娥已分八字眉

牛元復

一線纔窺鏡黛傳
后羿妻輕描山淡遠
細映柳東西隔

樹青蛾飲臨臺玉案
齊入門防見妬留意照深閨

前題和韻

誰將京兆筆畫出有窮妻
愁鎖遠山暮情欹弱柳西眸分
秋水淨鬢掠晚雲齊犢子
何偏幸連茵坐繡闈

鳴蟲

牛元復

莫謂無情與有情
秋來何處不蟲鳴
花寒草冷千般訴
月下風前一片聲
卽別衆音渾痛切
偏臨孤枕最分明
可知難作還家夢
臥聽三更又四更

前題和韻

遠戍深閨寂寞情
終宵難耐是蟲鳴
纔親孤枕驚殘夢
又

諫懷堂詩集 卷之八十四
向嚴譙雜漏聲移就廊簷聽最切停將刀尺語分明兔輪
漸隱花間影歷亂荒雞又報更

卽事

牛元復

爲圃常關五柳門蕭然雲合似山村曲隨棗竹開三徑
閒覓幽蘭溉兩盆檢史細評高士傳問津切記武陵源
寒暄好笑吾何事每夜花前酒一尊

前題和韻

曲檻臨溪竹護門何妨寥落在荒村傳來幽韻當三歎移
得秋香已數盆閒就鍾王觀筆陣時從潘陸探詞源燒燈
細檢賢臣頌抱膝長吟佐一尊

奕

牛元復

竹影蕭森爽氣來楸枰閒對白雲隈頗叅生死關能透
只打鴛鴦結不開妙勢已成須審變全盤將勝莫矜才
饒人留得柯長在一着雙和帶笑回

前題和韻

寂莫何堪秋又來一枰相對碧山隈雖分黑白無全勢豈
任中邊兩半開奇正難逃安石算方圓豫卜鄴侯才雙飛
自解連環結欲定輸贏決此回

秋思

牛元復

孤村雙杵夕陽明落落行藏伏友生白髮何勞光破帽

言慎堂詩集 卷之八十五 初編
短毫竟敢博浮名
清秋雲樹荒歌咏
小病江山穩性情
遠眺倍增遼濶想
芙蓉香擁釣船輕

前題和韻

初更月上半樓明
顧影低徊感此生
空逐蟻爭誇美利
幾從蠻觸艷浮名
蒹葭露白三秋色
橘柚霜黃此夜情
何處砧聲與笛韻
悠揚斷續弄風輕

賦得孤雲野雀

牛元復

只任孤雲野雀心
青山四面接松陰
是南是北皆堪住
飛去飛來不可尋
爲蘊風雷歸古洞
因憐羽翼集長林
霞光忽映丹砂頂
碧落瑤臺播好音

前題和韻

翛然獨立寄遙心
雲在青冥雀在陰
高下有時留影去
來無跡任追尋
閒情偶爾逢幽壑
野性偏宜別故林
達士高僧方可擬
豈容容易說知音

咏蘭分賦得青字

牛元復

雖劍脊堪佩與書帶
比青輕蛾朱點額
小鳳碧梳翎氣
洽同心臭香尊王者
馨芳標幽韻合空谷
秘騷經

前題得同字

王者宜爲珮此花
迥不同辨勻芳篠
綠心點霽霞紅
蛺蝶疑香遠
蜻蜓戀葉叢
與芝均異種
留得贈山翁

贈廣寧公

牛元復

松烟竹霧不分層
蕭灑居然有髮僧
子美多憑詩度日
青蓮慣與酒爲朋
偕行蠅附前途驥
一線花傳隔壁燈
莫謂依劉鄉念切
河山朗霽日纔升

答贈元復和韻並東鶚立上人

籬花夾疊錦層層
欲構新詩寄遠僧
賢似竹林無俗客
名如梁苑有文朋
平原已重千金字
東魯還傳半偈燈
走電吐花俱絕筆
供書預辦酒三升

秋日卽景

牛元復

秋來婉轉解秋思
點染風光構小詩
愛咏休文寧惜瘦
多情育長不妨癡
常於松下眠終日
或向花間立片時
老衲相憐頻枉顧
共拋香飯引魚兒

前題和韻

客路驚秋動遠思
憑將旅恨寄新詩
千家砧杵霜飛早
萬壑松筠月到遲
庾信江南賦別日
杜陵白帝感懷時
何緣剪燭芸牕下
一曲新歌付雪兒

將奈何

牛元復

六十堪堪歲又將
多情雲水不嗔狂
晨炊柳下維漁艇
午睡松間閉草堂
白髮插來花更艷
青藜扶去酒尤香
桃歌引句憑風月
受用山高與水長

前題和韻

濩落年華老送將詩情酒態未消狂五噫空自歌荒廡八
咏憑誰寄草堂坐久爲山開霽色談深因月吐秋香太常
原自多齋日且得偷閒引興長

看茉莉

牛元復

茉莉一本百頭開似接爐烟向玉臺氣可相求惟與蕙
輝能自映不須梅遠聞豈必風前立近看還宜月下來
常慮小盆根易渴每朝親灌兩三回

前題和韻

玉露朝餐笑口開皎然冰雪映瓊臺香分楚畹千叢蕙色

壓羅浮萬樹梅縹緲幽姿風送至盈寧素態月迎來入秋
時復驚零落逐日憑欄看幾回

客病無聊作小詩自娛

牛元復

蕭蕭竹徑石苔荒永夜鳴蟲百恨長橋度晚香花艷艷
圃連秋色樹蒼蒼樵漁舊約會棲野煖冷新經屢夢鄉
遙思旅情風颯杳簫吹憶在月臨床

元復以客病無聊之作見示卽步元韵慰之

亭樹蕭條三徑荒當門草漸及人長牕經雨暗松垂翠堵
到秋深蘚蔓蒼且結烟霞塵外侶莫離麴蘖醉中鄉清消
塵尾仍堪把好引蟾光到竹床

言懷堂詩集
卷之八
十八
不終

牛元復

千村狂走哭蒼蒼不見秋禾只見蝗極目何當蠶食盡
哀鳴那免雁飛忙租糧現在猶須辦盜賊將來更費防
四境莫言能不入叩關請命賴循良

前題和韻

是處哀鳴顙彼蒼川原如織盡螟蝗空憐秬稂將何有翻
怪糶勸徒自忙人事漸因生禍患天心久已失隄防殘黎
日向溝塗泣可恃康侯獻策良

午睡起偶成

牛元復

都無理會睡纔醒圍繞秋花坐草亭掩鏡從留雙鬢黑

支牕放入萬山青閒將採菊隨徵士怪似偷桃問歲星
古路荒榛行恐誤案頭靜對十三經

前題和韻

羲皇一枕詎能醒逐日醅醕臥竹亭客至時因翻眼白興
來方覺對燈青阮嵇自昔兼詩癖劉李於今號酒星豈謂
蹉跎荒歲月也從杜叟著爲經

客懷

牛元復

秋風秋雨雀棲林爲客何堪病復侵
倔強稍償文字債
支離紛寄薜蘿心
寒荷露冷憐初服
望鯉波澄憶遠音
衣食營營多半百
兩株花老碧山岑

前題和韻

棲鴉歷亂戀衰林不那荒村客思侵草木正當搖落候風
光還愴別離心寒郊柿葉垂垂影遠戍笳鳴寂寂音世路
無須悲逆旅從容且一上高岑

桂花

紛紛落葉滿前川獨有幽姿向月媽濯露垂英金粟映凌
霜結實玉珠圓泛秋曲渚名爲權招隱芳叢號是仙解識
高攀稱貴客披香殿上勝龍涎

前題和韻

牛元復

誰植靈根傍古川將丸碾粟訝韓嫣風知吐艷偏吹細

月欲容香故放圓八嶺夜明犀讓號小山冬綠樹通仙
無言酒共椒漿美掇藥先流一丈涎

咏桂聯句

天香繚繞勝如蘭廣寧珠粒繽紛似轉丹濃染霞光猶自

馥元復淡披月色耐人看金鵝岫簇黃雲碎廣寧玉兔宮

凝白露團祇爲老難移辣性元復藥書遮莫取名官廣寧

贈書

與君廿載苦相於自身同老蠹魚篝火終宵勞不惜韋
編三絕力無餘驚心已覺時將暮望古猶慙日漸疎安得
茂先三十乘牙籤錦軸樂如如

前題和韻

牛元復

親遺師訓幼相於皓首忘筌未得魚對面尋常三鼓後
盟心四十五年餘映來白雪從今古奏向青雲任卷舒
舌敝眼昏身漸老名山偕隱意何如

代書答

斷簡殘編載滿車隨來東魯伴居諸常因洗胃供吞墨詎
止加餐更剖魚賢聖此中相授受庸愚無外自空疎與君
永結三冬約莫漫逢人便曳裾

前題和韻

盛世同文不異車敢求韞櫝竟藏諸詭奇厭飽神仙蠹
勤苦從焚學士魚天祿石渠雖自好螢牕雪案豈相疎
念予倘足三冬用肯向王門但曳裾

邁征集自序

鞠躬盡瘁無忝所生日邁月征賢勞王事千古忠臣千古
孝子卽千古詩人豈欺我哉花晨月夕風雨雞鳴與二三
同人意興所適怡然倡和山川風物詎博歡娛花鳥烟雲
豈資放達所以漸摩篤摯消融玩惕夙與俱遊無有明晦
每期一章刻燭徵成詩人作勗爾我交鞭庶幾無忘邁征
之義云

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

課慎堂詩集卷之九

邁征集目錄 附牛元復題

琴

鶴

紙

硯

劍

鹿

筆

墨 以上俱一倡一和

中秋與友人同賦得光字

前題得翁字 元復

前題得光字 元復

贈桂 元復

中秋無月分賦得河字

觀掃除即事 一倡一和

代桂答即前韻

言性堂詩集
卷之九
秋日雜咏五首

一倡一和

索債

一倡一和

送几上海棠二絕

一倡一和

落花

一倡一和

未開菊

一倡一和

九日登高卽景限韻八絕

一倡一和

剪秋羅二首

一倡一和

瓶中雞冠二絕

一倡一和

紀授衣二首

元復

答紀授衣作和原韻二首

閒坐呈廣寧公

元復

和韻答元復

立冬有懷

一倡一和

古意

一倡一和

那能

一倡一和

冬日送菊

留菊和韻

元復

對菊

一倡一和

鄉思

一倡一和

長至

一倡一和

留別廣寧公兼訂後期

元復

奉送元復歸里

約在上元後相晤乃遲至暮春聊庸慰藉兼道愆期

元復

答慰藉愆期

看牡丹寄興分賦得奇字

元復

前題得陽字

自沂至鎮署夜酌卽呈廣寧公

元復

答夜酌卽步原韻

罌粟花得之字

元復

前題得晨字

卽景分賦得貧字

前題得喧字 元復 柳葉桃分賦得生字 元復

前題得容字 午日口號 一倡一和

歸興二首 元復 六日贈別牛元復二首

早秋偶成 一倡一和 秋夜有感 一倡一和

中秋前二日夜月同友人小酌分賦得傾字 元復

前題分賦得遙字 中秋夜分賦得寬字 元復

前題分賦得天字

廣寧公以秋海棠命賦且令用白描體援筆成之 元復

依前體步韵

課慎堂詩集卷之九

邁征集 附牛元復詩

銀城李興祖廣寧著 受業陶 岐文治

古黥王 楫汾仲定 男 鰲又白 校

琴

坐引薰風解愠時冰絃在御不教離悠揚韻入松風調俯仰情餘山水思別崔指間清嘖遠歸鴻目處斷行遲神閒自與宮商叶可有知音若子期

劍

吳鈞的的價連城開匣寒光逼日明三尺水揮飛電影七

文斗燦簇霜精血侵鷓鴣山狐泣花碎芙蓉海域驚爲語
張雷須謹護防他雙合化延平

鶴

傳道淳于籠已空多應寄跡在遼東乘軒空自勞庸主嘖
月憑誰慰遠衷仙駕傳來從海外靈符銜得出雲中平生
知已惟和靖愛爾音清與頂紅

鹿

銅牌猶記宜春苑隨輦銜花過帝丘隱士名車高遯跡仙
人爲駕采真遊西昌曾觸盧家壁臨水還開石子囚一望
長林豐草地往來泉石韻呦呦

紙

出處由來喚衍波剗藤那必剗溪阿薛姬製與花潭合蔡
氏傳從魚網拖七頁檄成名更遠三都賦就價逾多先生
稱許非虛譽塌得黃庭換白鵝

筆

吳商夢爾大如椽李白文章藉以傳握得龍蛇隨腕下揮
將風雨落毫邊竹筒價重埋名士金管書成濡墨仙翻笑
稱公惟古弼可能一續獲麟篇

硯

數點金星耀目頻馬肝龍尾質惟真掄奇每問端溪彥考

言慎堂詩集 卷之九 二
最應憐卽墨人爲啜玄香花氣久翻成形管藻文新漳濱
更有遺銅在何必區區石結隣

墨

縱使凝光烏石好那當成式後猊看若非使者呈精魄焉
有龍賓賜庶官几上魚胞潘谷賞囊中犀角李堅觀笑余
欲作王郎夢珍重佳人贈一丸

琴

牛元復

三尺良材引七絃曾陪先聖與先賢南風有愠饒能解
流水隨心更可傳歌續武城明月夜調高單父放花天
來儀幸覩虞庭鳳卽有螳螂不捕蟬

劍

曾瞻紫氣費尋求博得干將繫蒯緱自拭二斤華嶽土
相隨十載薛城遊叩鐔連響龍雙吼出匣孤光水一抽
幾度欲憑風雨去君恩未報且遲留

鶴

仙禽原自有由來閒舞閒飛不染埃潔淨固宜毛似雪
清癯何惜骨如梅愛聽琴韻昂丹頂恐拂花香歛玉璫
華表緱山歸且緩好將羽翼報憐才

鹿

披紫懷璫逐且休天然清介地仙儔白雲匡洞隨驅使

化日靈臺侍宴遊班駁不妨形濯濯角枝雅稱喚呦呦
亂溝水霽岑萃綠銜得新花報海籌

紙

南越溟苔色帶青蔡侯魚網氣含腥何當褚氏先生潔
不隱唐朝道士靈賦乏太冲原長價書須左伯始成形
陸蕉鄭柿多虛譽終讓溪藤一段馨

筆

自是中山第一流御書親拜管城侯只甘守墨終無語
猶幸臨池未禿頭夢處花香應報曉癡時草色豈知秋
班生老有文章業珍重操持不浪投

硯

不羨鼉磯與雀銅一方古瓦自弘農欲興霖雨纔探水
俄布雲烟已滿峰磨涅依然堅白在平安任作轉旋攻
莫嫌頑鈍無文彩淳厚曾膺卽墨封

墨

元都使者號烏雄膠漆文心肇混濛翟子不辭捐頂踵
絳人何憚受磨礱形依圭璧呈奇式體備雲烟攝化工
散髮張癩書典發金壺倒注石盆中

中秋與友人同賦得光字

貧病纏綿滯異鄉雕欄環對玉盤光桂香疑送安心法蟾

影紛傳換骨方有句縱難償酒債無錢端不費詩狂但逢
佳節添幽思總向書籤藥裹忙

前題得翁字

牛元復

清光也自照飛蓬爽氣憑誰問釣翁月比他時殊分外
秋於此際恰當中桂留客飯開爲粟荷勸村醪截作筒
景物年年都可樂願將高興與人同

中秋無月分賦得何字

寂寞柴門掩薜蘿平分秋色竟如何南山豹霧迷方滿東
海龍雲布幾多頗耐愁懷添黯淡不妨醉舞更婆娑元規
樓迴桐陰黑月殿無從問素娥

前題得光字

牛元復

昨夜相期此夜觴今年轉憶去年光銀蟾匿跡將偷藥
玉鏡防塵不解囊梧落省飄寒處影桂開好送暗中香
電裳单薄宜深幕紅燭清樽興倍長

觀掃除卽事

牛元復

豁然朗曠淨無塵水碧山蒼耳目新幽鳥若能通笑語
好花都會顯精神況當月皎風微處相對冰心玉骨人
頓覺詩懷清更遠桂香滿撲破儒巾

前題和韻

連日條風刮俗塵呼童灑掃曉齋新草除荒徑花添致蔓

剪迴廊竹有神宿鳥驚時來遠客閒雲停處伴幽人扶筇
倦卽沾村醕潦倒籬邊折角巾

贈桂

牛元復

最愛堦前桂樹芳滿開秋藥向茆堂卽三里外昂高鼻
從數朝來易俗腸金粟不同風炫色玉華能使月生香
小山叢裡甘偕隱那羨燕山竇十郎

代桂答卽用前韻

猶是小山叢裡芳分來佳種植琴堂憑將濃艷勻詩思聊
薦寒馨豁酒腸映月偏宜鵝嶺色登雲好折兔宮香紛披
金粟憑君采早晚天堦伴玉郎

秋日雜咏

牛元復

又添白髮數莖新客裡清凉念友人垂老誰容常懶惰
投時自畏太逡巡且乘夜月明如晝還看秋花媚似春
安得陶家籬畔菊醉來插滿破頭巾

其二

每喜逢秋看菊花提壺緩緩向陶家寒英綴露同人淡
瘦影扶烟到檻斜遲發色超羣卉上後凋香與古松賒
清高合被淵明愛送日東籬爛早霞

其三

短筇支架上高頭雪鬢黃花兩映秋百歲雙眉堪幾蹙

言慎堂詩集 卷之六
一尊九日好相酬。登山莫訝峰皆峻。到海方知水不流。
破帽迎風吹更穩。狂歌遠續採菱舟。

其四

一囊明月不知貧。喜見黃花又放新。政好攜朋升大阜。
何辭賒酒向東隣。半生落拓逢佳節。諸事疎慵托主人。
莫以望鄉清興阻。天涯容得一閒身。

其五

滿地黃花待客看。登高把酒好追歡。參軍帽穩吹何慮。
徵士腰伸坐更安。爛醉須思佳節少。清狂可喜主人寬。
陶然歌舞斜陽裏。遮莫金風玉露寒。

前題和韻

秋山秋水氣鮮新。秋月秋燈對故人。月下詩情添慘淡。
燈前酒病幾逡巡。山村逸興渾忘夜。水檻名花更勝春。
不亞習池遊宴地。山公倒着紫綸巾。

其二

小園嘉樹共幽花。三徑遙通徵士家。新樣亭臺溪竹護。
舊名館閣海榴斜。秋將去盡驚心屢。菊漸開齊引興賒。
欲置此身丘壑裏。餐英枕石漱流霞。

其三

頻將綠醕慰眉頭。徒倚東籬感暮秋。老蝶穿花仍委宛。
寒

禽啼樹更交酬心情欲比彈冠士意氣誰稱解劍流如許
仙源在眼底好憑問渡放漁舟

其四

杖頭日具不厭貧黃菊丹楓色色新貪醉偏憐多酒伴狂
吟翻幸有詩隣秋宵明月應分我曉樹寒雲自可人生計
未償文字債登山臨水趁閒身

其五

無多秋色幾回看每憶龍山落帽歡一水拖藍環古堞雙
峰聳玉拱長安愁窺白髮開顏少笑對黃花入眼寬爲惜
芳華易憔悴與君竟夜坐清寒

索債

茅屋幽然洞裏天堪收風景入商絃僧來問字當花立客
至攜壺就醉眠久未能消違俗病近還多負買山錢前溪
處處饒風月與劇無妨步履遷

前題和韻

牛元復

最宜把酒菊花天底事追呼急似絃不惜典衣從下價
惟期枕石任高眠入秋旣合輸租稅明日還催上社錢
拖却一條寒拄杖喬林何處共鶯遷

送几上海棠

牛元復

有花安几上無花送出門實非相棄擲好任養芳根

其二

墻陰今且住氣潤雨仍滋留得芳根在還多上几時

前題和韻

美艷不長好翻憐初入門托身墻角下猶幸得歸根

其二

花謝風霜後根留雨露滋明知生意在但待及秋時

落花

牛元復

豈怨天風盡力催零香碎艷委塵埃何人乞得鸞膠出
願上枝頭再不開

前題和韻

怪他霜露苦相催香委淒風色委埃減却近來歌酒伴幾
番回首憶初開

未開菊

牛元復

舒英吹馥許多枝誇嫩憐嬌盡護持籬畔含苞真異質
何人能賞未開時

前題和韻

最愛凌霜三徑枝含苞斂萼自矜持應知欲待淵明至吐
艷須當醉酒時

九日登高卽景限韻

牛元復

叅軍帽不落司馬興偏豪爲念百年內能登幾次高

其二

不知今日會可似龍山否吾輩迭吟詩衆人皆把酒

其三

白蘆光勝雪黃菊艷於金秋色恣凝望悠悠千載心

其四

爛醉始歸來行三步兩歇愛山色幽閒更愛山頭月

其五

控弦猿臂舒一爵一回中但見抱壺人不時來往送

其六

醉歸不覺晚路暗步仍放莫漫愁崎嶇清光供拄杖

其七

遠遠望山家白雲與紅樹其中有古松家在松深處

其八

三面網須開十禽何足數行間肅整齊不殺是神武

前題限韻

遙憶龍山會同人興倍豪雲寒連水遠木落見秋高

其二

題糕句共裁落帽詩成否工拙且休論莫負花間酒

其三

籬花秋布錦波月夜流金此景年年有惟予獨賞心

其四

黃花摘盈把酣歌復難歇逸興夜悠悠扶藜村外月

其五

隴西客是李墻東家乃宋茱萸佩作囊村婦咸珍重

其六

不醉欲如何醜醜得自放玉山月下頽耐可青藜杖

其七

目游四裔山野菊連楓樹醉看故鄉雲雲深家何處

其八

雲少不籠山禽多何必數聽鳥復看雲登高更數武

剪秋羅

遠念征衫薄下機選五紋舍情動刀尺淚漬石榴裙

其二

疊雪自來輕染猩尤異品涼天細細裁碎照珊瑚枕

前題和韻

不用揮刀尺天然錦繡紋涼風飄翠帶越女試羅裙

其二

為愛晚粧成輕紈入妙品細裁織手寒欲寐嫌孤枕

瓶中雞冠

牛元復

商岫靈芝紫寸雲朵始結季倫鐵如意殷漬珊瑚血

其二
曉籌傳絳幘拜識天顏喜七尺許庭燎焰花方吐藥

前題和韻

新染紫羅囊儼如霞影結膽瓶注琉璃幾點猩猩血

其二

昂頭竟不鳴長脰聊自喜移向甘泉宮衆香羞吐藥

紀授衣

牛元復

授衣當九月層疊美承筐縫密應防綻綿多固慰涼因
材寬與窄量體短兼長推解含深意書紳誌不忘

其二

洵美無衣賦同袍誼不輕畏寒游客意分燠主人情表
裏昭文綺剪裁合法程服之永無斃領袖緬三英

答紀授衣作和原韻

莫嫌縑素淡將意在承筐重布防風襲添綿禦晚涼夜披
知夢穩晨引欲情長不敢私寒燠於君志未忘

其二

細縠如雲薄素絲似霧輕聊伸繾綣意敢比綈袍情儀度
由身樣風規自法程惟君堪與贈藉以飾文英

閒坐呈廣寧公

牛元復

蓮幕安容散誕身蓬頭穩坐似離塵因多愛惜纔知病

言慎堂詩集 卷之九十二 夜編
恐負湖山不說貧詩或崇朝題滿帙文常半稿擲經旬
遭逢果幸賢司馬甘以車裘共懶人

和韻荅元復

歷偏河山只此身飄然拄杖走風塵素心長對水壺淨華
髮還饒白屋貧一日看花凡幾次他鄉斷酒每經旬與君
莫話封侯事珍重丘園作散人

立冬有懷

牛元復

白蘆紅樹又初冬極目寒雲隔幾重菜圃曲穿花裡路
茅亭直逼水邊峰隨心入谷尋靈藥曝背偃墻溷老農
東寺毘婆邀作社黎明遙赴一樓鐘

前題和韻

黃菊丹楓未委冬還應扶杖續遊重天寒高落雲中雁木
脫遙排海上峰雙屐猶憐虛五嶽一燈堪對話三農烟嵐
深處藏山寺孤雀歸時聽暮鐘

古意

牛元復

豁然風景武陵源牧喚樵呼更不喧必向松間能放雀
纔於花裏可調猿看碁局外依雲壁採藥春初到石門
自有胡麻隨水至笑聽鶯語坐無言

前題和韻

恍疑冷署近仙源宿鳥凌晨繞樹喧澗底流泉開白鷺松

閒明月掛玄猿既能讀易窺周奧便可傳心入孔門莫學
馬卿空作賦世無狗監一陳言

白那能

牛元復

那能閉戶日中眠勤苦南山十畝田種豆難供畱客飯
納糧轉費賣文錢伯鸞竈不因人熱子美詩常畏世傳
惆悵千秋松菊老一亭紅葉上高烟

前題和韻

那能日醉百壺眠只有深耕是硯田貫酒常添工部債買
山仍乏沈郎錢何須袒裸方稱達敢謂文章輒可傳
芭蕉門外竹時看籠雨又籠烟

冬日送菊

歲晚誰憐范叔寒茅齋兀坐惜秋殘幽根好護遮松徑佳
種還移向藥欄仍冀明年樽畔賞敢忘昨夕醉中看不教
狼藉冰霜裏情重憐花記筆端

留菊和韻

牛元復

原移屋裏避霜寒誰見花開永不殘作伴挑燈非一夜
甘心倚几是迴欄葉乾但念香盈把藥在何云色厭看
繾綣幾枝存傲骨儘教滕六暗雲端

對菊

牛元復

秋英曉綴露光新數四來看不覺頻冷艷將扶青竹杖

幽香若迓白衣人
覓詩九日無塵事
賒酒陶家有好隣
且醉且吟恣放浪
前溪印出玉盤真

前題和韻

紫艷金英被苑新
閒時相對思頻頻
羅合庭畔香浮榻
陶令籬邊色照人
自信開筵無雜客
可知載酒有芳隣
山村槐老如霞染
終是霜顏未許真

鄉思

牛元復

松岩老屋鶴為隣
芋栗秋收足待賓
萬事只宜甘守分
吾儕原不屑言貧
換錢豈有凌雲賦
送酒寧無問字人
兩樹碧桃三個竹
石門永伴四時春

前題和韻

寂寂荒村少四隣
焚香煮茗待佳賓
且安陋巷顏回樂
莫惜空厨范史貧
竹本無心嫌礙月
花如有意笑迎人
鶯聲柳色猶堪戀
自是蕭齋別樣春

長至

牛元復

垂老心驚節序催
律吹葭管又飛灰
不知愁到何時盡
且喜陽從此日回
青眼欲邀河畔柳
素心頗識隴頭梅
時光一線頻添好
穩看羣花次第開

前題

如輪節序遞相催
取次春從暖律迴
霜鬢多於機上縷
愁

腸半寄管中灰漸看翠變江南柳頓覺寒衝屋角梅客邸
寥寥頻悵望為思棠萼夢魂催

留別廣寧公兼訂後期

牛元復

一年繾綣主人情諸事疎狂賴曲成飯後拋書眠過午
花前脫帽話三更積疴白屋聊歸憇隔歲青山不改盟
梅放桃開春在眼垂楊滿路聽鶯聲

奉送元復歸里

流水行雲動去思一尊相對話臨岐雁行來往分南北驪
唱遲延惜別離拂座春風揮塵夜入懷明月掩經時憐余
踪跡同孤鶴碧海青天意遠期

約在上元後相晤乃遲至暮春聊庸慰藉兼道愆期

牛元復

原期柑酒慰相思底又遷延會面遲多病只憐空負約
一春常憶未題詩花迎舊雨開尤麗鶯到喬林轉更奇
吾輩契存形迹外擔簦騎馬復何知

答慰藉愆期作

閉戶攤書絕遠思林深徑僻月來遲聯床曾許梅開候着
展何妨柳暗時閒把春花供綠醕靜依夏木聽黃鸝論交
有數真聲氣對爾堪云是子期

看牡丹寄興分賦得奇字

牛元復

桃李飛殘柳蕩絲洛陽景色倍爭奇真驚富貴非凡品
況值陽和正此時意遠只憐深覆葉眼高且賞未開枝
燒燈共覓春風句浪議清平涉艷詞

前題得陽字

特新一萼殿春光却認荒齋是洛陽映日似酣金谷酒臨
風如倩玉人粧詩傳內禁憐裴妙調奏清平怪李狂最愛
絳紗籠護處明霞散綺倍生香

自沂至鎮署夜酌即呈廣寧公

牛元復

抱瑟齊門六十春問誰放眼出風塵爭言收納賢豪士
可肯包容懶惰人多日不嫌趨命晚連朝常許看花頻

東山司馬饒風雅把酒論文月色新

答夜酌即步原韻

放舟水國倏經春猶喜荒齋迴絕塵咄咄書空驚怪事離
離望遠憶同人雲中聽鶴常耽久雨後看花不厭頻酌酒
與君重話舊霜華疊見鬢毛新

罌粟花得之字

牛元復

罌粟花何麗低徊玩久之誰家嬌姊妹作意鬪胭脂錯
錯沉酣處猩猩甫染時遭逢南國豆定解慰相思

前題得晨字

百卉皆舒午此花獨媚晨朶烘丹火重片剪霽霞勻泣雨

滋紅淚傷春破絳唇紛紛蜂蝶亂零落點芳塵

卽景分賦得貧字

松間調鶴見精神枕石烹泉不覺貧引杖平疇看雨足移
樽深樹聽鶯新悠揚花氣風穿牖婀娜春枝月過隣莫向
桃源重問渡此中別自有仙津

前題得喧字

牛元復

儼然深入武陵源翠栢修篁寂不喧只見落花無別物
爭知啼鳥是何言孤舟棹轉風掀笠遠寺鐘鳴日上旛
淨絕塵埃應記取歸途對岸有雙鴛

柳葉桃分賦得生字

牛元復

同根各色並成名嫩柳天桃一體生條舞蠻腰垂帶細
花開樊口點脂輕武陵人踏章臺路張緒春懷崔護情
宿雨朝烟渾不辨朱顏綠鬢却分明

前題得容字

艷艷春梢翠且重一株分得兩般容恰疑崔護門中見又
似韓郎馬上逢小玉舞來紅袖舉太真睡起綠雲鬆依稀
記得如前度恐隔輕陰錯認儂

午日口號

牛元復

浮沉歲月笑輕鷗又見南風放海榴畏虎市門驚插艾
登龍客路喜逢舟靈符未許驅貧鬼絲亂從教續舊愁

言懷堂詩集 卷之九十八
一卷離騷一壺酒中天閒煞老巢由

前題和韻

永日晴湖泛白鷗多情赤日艷紅榴當軒蒲酒餘荆俗拂
水蘭橈弔屈舟艾豈能療違俗病絲何曾繫看花愁天涯
歲月毋輕過醉把離騷讀幾週

歸興二首

牛元復

淡交比水淡何如知己無妨跡且疎蒲酒休仍投客轄
麥秋合是返吾廬登臺郭隗寧同馬彈鋏馮驩不爲魚
大約荷花開未了便來共校子雲書

其二

漸看赤日晒榴花一徑樵村入竹斜豈必賣文求善價
且須刈麥到貧家拙妻慣采終朝綠瘦子能耨半畝瓜
坐老松雲天欲午雙飛白鷺喚晴沙

六日贈別牛元復

感君氣誼薄雲天相伴窮愁幾許年纔泛紅螺端日酒旋
題綠桂小山篇邵平不憚鋤瓜早高鳳何貪護麥全歸路
倘逢時雨霈呼童驅犢問原田

其二

岸草溪花動客思故人歸去好題詩看雲着屐官山麓濯
足垂綸汶水湄掃館可能如有道潤囊何必羨鴟夸荒齋

一榻懸秋月專望巾車莫教遲

早秋偶成

牛元復

忽忽悲來不為秋白雲老鶴本悠悠飛鳴自愛疎松靜
舒卷誰知古洞幽問舍客宜眠地上捉刀人合立床頭
風塵回首烟波在一派芙蓉隱釣舟

前題和韻

露下蟬吟動早秋荒亭古驛思悠悠緣詩成癖寧辭瘦投
老餘情轉覺幽華戶不離園北角桃源還訪陌南頭好乘
水碧山青夜載月前溪一泛舟

秋夜有感

白雲懶散抱峰頭碧柳黃梧色色秋迂濶鄉心恣遠望
執迷風景許重遊千金馬骨燕臺老每日猪肝客邸愁
事事累人翻自愧芙蓉滿岸一漁舟

前題和韻

餘霞散綺落峰頭樹色泉聲的的秋欲遣杜陵為客興且
從張翰棄官遊蒹葭白露增離恨關隴黃雲動暮愁寄語
袁宏莫憔悴却憐載石有扁舟

中秋前二日夜月同友人小酌分賦得傾字

牛元復

晶晶蟾光欲二更一壺緩緩對花傾預乘後夜登樓興

言情堂詩集 卷之九 二十
聊暢今宵解佩情如月窮愁將近滿分秋世事未全平
莫驚曉漏天香隱卽有隋珠徹夜明

前題分賦得遙字

秋近平分奈此宵燕山渭水兩遙遙婆娑兔影輝輝徧皎
潔蟾光漸漸饒袁渚約還申後夜庾樓興且劇今宵莫愁
千里人何在幸有明珠伴寂寥

中秋夜分賦得寬字

牛元復

昏昏銀河濯玉盤狂歌漫放酒腸寬一年月是今宵好
對景人宜百斗乾鸚鵡桂園聲郁馥鴛鴦荷沼影團團
多情更和霓裳曲徒倚清光徹夜看

前題分賦得天字

寄跡荒村又一年冰輪重滿碧梧天金風朗度霓裳曲玉
露寒侵玳瑁筵杯酒莫辭頻潦倒友朋能共幾回圓光盈
銀海連瓊島擬欲乘槎雲漢邊

廣寧公以秋海棠命賦且令用白描體援筆成之

牛元復

誰念秋花倍勝春海棠無語自傳神偏於嫩處呈孤介
恰是嬌時見素真胡爾冰消塵裡事恍然面對意中人
淒風冷露長相慰淡淡芳情久益新

依前體步韻

言懷堂詩集 卷之九 二十一
數枝嫋娜勝於春照水盈盈儼洛神疑向鏡中窺小小恍
從畫裡晤真真臨風欲語如憐我對月含嬌似笑人杏子
單衫稱袷服露華重浥曉粧新

以永草自序

少陵有言把君詩度日嘻異哉詩竟可以度日耶窮官冷
署花竹凄清行簡懲煩與時偕靜讀書論世夙慕云然愛
國忠君素志未遂蘊結於中實懼銷磨特假長歌短詠用
抒情愫勤類運甓念擬飲冰積日成帙顏曰以永亦聊以
永日云爾若謂希望少陵則吾豈敢

課慎堂詩集卷之十

以永草目錄

贈紹庭宋典簿

壽宋陟庭

將寄家書因有憶弟之作

祝宜兄王中翰六十用元復韻

贈太學董翥先

贈武孝廉栢儀武

送鶚立上人南遊二絕

賀君拱柴令遷蒲州牧

再送鶚立上人

壽謝尚卿

壽紹庭宋典簿

醉後偶題

冬日漫興十首

題瓊郡董司馬遺像

送別君拱柴牧

未放梅聯句

臘日感懷

建侯楊太學折梅見寄偶成一律

丁卯除夕四首

除夕懷元復

戊辰元旦

壽章孺人六十九

立春

看琉璃瓶內金魚

賞月

和詠茉莉韻

中秋後二日夜月

春日廻文

夏日廻文

秋日廻文

冬日廻文

過淮陰有感二首

舟次高郵

儀真閒步歸舟示陶文治

阻風

望北固山

感懷

金陵懷古

舟次女貞觀

登弘濟寺

觀音閣

登燕子磯遙望金陵

舟泊鎮江

登虎丘

蘇門送文治陶五南歸

苦雨嘆

姑蘇懷古

早發

上巳卽事

寒食

清明日泛舟卽事十二韻

金山寺

清江浦寄友人

寄牛元復

酌酒與文治

酒後卽席賦贈文治

壽宜兄王中翰

元復牛子逾約不至遣使走邀偶成一律志懷

秋海棠

立秋日雨步徐長文原韻

高僧釀酒

名妓繙經

書生踐戎馬之場

將軍遊圖書之府

登濟南城望千佛山二首

初秋夜坐

秋霖分賦

課慎堂詩集卷之十

以永草

銀城李興祖廣寧著

受業陶

岐文治

古黠王楫汾仲定

男

鰲又白

較

贈紹庭宋典簿

籍籍瑯琊美譽傳風流秀爽正青年季方難作元方弟小
宋能同大宋賢玉笛倚樓吹月下金樽醉客勸花前知君
素有鍾期識可許攜琴破曉烟

壽宋陟庭

廣平家世若雲霄高臥東山偉望遙初接雞談花覆案會

知蟻渡竹通橋延賓梧月飛瓊盞按曲蘭風度玉簫此日
爲君拈嶽句亭亭鶴立與松喬

將寄家書因有憶弟之作

書去神隨去應憐見面難荆花開滿樹何日得同看

祝宜兄王中翰六十用元復韻

直立蓬萊山上頭八千歲始一春秋杖惟靈壽方膺賜運
自休明更啓疇物望久知歸買董人文豈必羨巢由試看
南極星輝處兒齒龐眉結勝遊

贈太學董翁先

偶過南園識仲舒儼然詞賦陸潘如早通上國諸生籍曾
讀先朝秘閣書甲第名從掄秀始天人策擬下帷初丈夫
立志兼三事物望輿情自不虛

贈武孝廉栢儀武

竹帛勲名屬我徒憐君偉抱富三都虎頭兼擅毛錐子猿
臂專精金僕姑柳引春風隨緩帶花籠夜月受陰符清時
珍重封侯志當在麒麟第一圖

送鶚立上人南遊

暫爾遨遊弄鉢花一盤棋局幾甌茶閒情更憶吳門舊收
拾行單問俗家

其二

也是詩人也道人慣將風月伴閒身愧余空羨屠門嚼可得禪宗一指真

賀君拱柴令遷蒲州牧

盈耳謳吟道路間瑤琴徐奏訟庭閒春來河上桃花樹客在城頭姑射山五馬嘶風隨按部三台指日領朝班舊時講席今回首偶一彈冠發笑顏

再送鶚立上人

河梁纔罷講山郭又臨岐是處逢知己爭吟惠遠詩

壽謝尚卿

萬仞靈巖百尺松石潭雲繞臥潛龍千山風月原無主雙

展烟霞自有蹤句得池塘春草綠篆摩碑版古苔封少微星見台垣上竚聽旌車出九重

壽紹庭宋典簿

千樹桃花遶碧溪丹崖翠壁列東西久知巖壑成棲遯兼會山川入品題歌發綺筵飛郢雪興酣深夜舞瓊雞同人更進長春酒遮莫淋漓醉似泥

醉後偶題

丈夫肯易負生平磊落襟期仗酒傾不向河山開眼界還猜風月是私情

冬日漫興

言慎堂詩集 卷之十三 夜
出出寒山接遠蒼客懷烟水兩茫茫暫留紅葉仍還醉儘
瘦黃花不褪香向日牛羊隨作隊叫雲鴻雁列成行村龐
無吠柴門靜幾片青帘石路旁

其二

蕭然旗鼓海風寒樵斧漁綸業各安箬笠放歌循野渡芒
鞋結伴踏晴巒自慚素食無功效誰識荒岑有長官暖徹
松雲孤雀老遙峰歷歷獨憑欄

其三

不須畫閣與重樓布置烟霞事事幽開徑曲隨松澗轉引
溪環抱月亭流凍林雀會當當面削壁猿能上上頭是見

是聞俱適意一憑梅信慰淹留

其四

青嶂遙分出碧溪人家散住嶺東西週遭冷屨山梅發來
去平沙水鳥啼增價詎追燕市馬着鞭聊聽豫州雞孤懷
遠道驚遲暮未合林臯伴杖藜

其五

吏少衙閒語不聞自焚古篆挹青芬寄懷好待山頭月持
贈從看嶺上雲候日闍人傳藥裹築橋野老丐碑文公餘
時念干邪澁再拭華陰土二斤

其六

謝慎堂詩集 卷之十四
幾竿修竹冷蕭蕭日向疎
牕伴寂寥雪壓何曾回勁節
風侵却益挺孤標須知捧日東
溟近敢謂瞻天北極遙咫尺
丹霄星並拱吏情空復溷漁樵

其七

寂歷山陬近海隈短筇高屐漫徘徊
非無泉石供登覽亦有烟霞伴往來
築圃先時儲菜種訪僧趁凍徙花栽
東村梅樹西村杏送臘迎春次第開

其八

凍合溪流石髮披村烟縷縷起晨炊
將攀素蘂臨風處聊跨青驢欲雪時
點檢敝袍仍換酒招邀良友更論詩
可憐

歲晚情無限古栢籠軒雀滿枝

其九

北風吹雪凍簾鉤遠散巖林舞不休
儘欲照穿狂士眼那堪飛上少年頭
呼童滌椀供清茗與客分寒解敝裘
何處梅花堪遠寄雲邊哀笛韻悠悠

其十

水村嶺樹織寒烟遠吏驚心年復年
敢缺備修安堵後還思勤課立春先
凍毫尚可償文債過節無輕費俸錢
一首椒花一壺酒五雲高處祝堯天

題瓊郡董司馬遺像

伏莽窺珠珠不守堆山老蚌空開口懸庭照乘失輝輝回
祿飛騰時某某連帥悚惶貢不前赤羽白羽瓊州取激昂
司馬蕭戎裝鬼嘯妖窺駢授首依然璀璨屬天家一顆私
囊清不有都說仁人勇自沉種花兩次先聲久實田攸水
祝神君發粟南漳祀慈母滿懷明月德中威焉用牛刀靖
云醜巖巖嶽立海剛峰印涉招招呼我友比之漢代衆循
良歷數應先屈一拇麒麟在郊豺虎驚欺天嘉穀指爲莠
含齒戴髮紛不平司馬大笑歸田畝溪上紅霞萬樹桃門
前翠幙五株柳表章經史綱明三推解饑寒族睦九述作
作述四十年玉樓歸去襄樞紐嗣君步武仲舒賢寫照生
平儼不朽我來督捕海一涯亦從二千石之後求模覓範
仰遺風側覲鬚眉如奉誘况交太學席上珍才華萬斛盤
中走如揖隋侯夜光剖如瓊當日童與叟誦德歌功擬贈
言愧乏驪龍寶一斗

送別君拱柴牧

自是循良感慕深攀轅臥轍見於今應知此日留行意不
負當年撫字心無棣我虛歌黍雨懷仁君實愛棠陰同人
岐路何言贈名杜風規永可尋

未放梅聯句

含香仍待雪

廣寧

抱艷且藏春未覩瓊宮面

元復

先憐玉

骨人調和思蘊藉

廣寧

折寄悵逡巡何日呈天巧

元復年

華又一新

廣寧

臘日感懷

雪壓山房迥絕塵竹爐煨芋自添薪爭如作客常多累何似居家莫厭貧顧惜行藏當暮歲徘徊光景又新春於今狗監知誰是徒羨長揚獻賦人

建侯楊太學折梅見寄偶成一律

羨爾孤標傲歲寒折來寄贈勝於蘭高人旋拭烏皮几逸士還簪白玉冠風襲幽香當夢破月窺冷艷吐更殘數枝已覺春盈座何必移根向畫欄

丁卯除夕

傷僮浮生鶴在陰况驚臘盡幾沉吟年光慣與兒童喜歲事偏於手足深幾卷殘編開倦眼一尊濁酒滌塵襟感時每動乘時念猶恐蹉跎負此心

其二

東風解凍自花汀誰道荒陬地不靈一水澄澌圍作帶四山擁翠列為屏吏閒案牘叅文事士習兵機注武經也覺絃歌閭巷徧敢云由我獲安寧

其三

山村三載少排衙政簡官閒但種花似徹冰心懸夜月如

言懷堂詩集 卷之十七
經錦製絢朝霞詩裁杜甫遊秦句酒泛王猷訪戴槎冷暑
又驚殘臘去那堪雙鬢染霜華

其四

但著窮愁莫問天圖書環堵任蕭然
枯腸自覺耽詩癖薄俸誰堪給酒錢
晨咽寒雞牕外雪午炊餓婢爨中烟
逢人從不誇名利繼日焚膏已有年

除夕懷元復

聯吟促膝日相親爲憶鄉園隔歲旬
梅信已傳燕北臘椒花又頌魯南春
知添弱線陽和布看動飛灰暖律申
荒署無忘棲豎李筍輿早駕及芳辰

戊辰元旦

曉霞開霽色佳氣入芳年
溪柳風條軟園梅雪蘂妍
幼雛歡爆竹老婦競占錢
爲愛春光轉擎杯一問天

壽章孺人六十

爭看紫氣出蓬萊
婺煥中天綺席開
蘭桂盈階輝月砌
椿萱對座進霞杯
杖鑄靈壽鳩爲質
鼎養丹砂鶴作胎
堂上喜周雙甲子
五雲遙捧篆書來

立春

馬首衝寒尚早春
春來正及雪霜晨
園梅含凍苞猶斂
堤柳迎風綠漸伸
客路遊絲偏惹恨
王孫芳草慣迷人
極知

蕙英頻消長日對羲皇作醉民

看琉璃瓶內金魚

琉璃旋注錦鱗浮影轉形移幻不休寸鯽俄疑成尺鯉單
行復訝作雙遊恍從玉海鯤將化欲展金鈎釣莫由却笑
禹門燒尾處雲蒸霞彩只驚眸

賞月

銀河淡淡露微微淨洗瑤空玉鏡飛欲使輿人分末照更
從畫閣吐清輝流光的礫旋盈座駐影婆娑亂拂衣竟夕
盤桓惟酒盞花陰坐轉欲忘歸

和詠茉莉韻

時時月下香來冷署何緣繞砌栽應厭曉粧和露摘故
留寒艷入秋開風雖借送馨逾桂雪不須添素勝梅却笑
翩翩墻外蝶浪舒紛翅擬為媒

中秋後二日夜月

節屆中秋後團圓正未央鋪塔疑似雪漫屋却如霜兔影
穿花瘦蟾光引竹長異鄉當此夕疊韻與傾觴

日長無事偶拈四景戲為小詩以戰睡魔擬諸斯立
哦松故事非其倫也若曰比巧雕蟲益今丈夫絕

倒

春日迴文

鶯啼曉接綠楊垂徧踏芳郊轉日遲晴草細連松澗曲暖
烟輕罩石崖欵迎花得路高扶杖買酒尋村遠認旗纓濯
欲臨溪水照行歌放步共心知

夏日迴文

青山遠入放簾鉤永日晴看醉赤榴亭栢構巢憐老雀岸
花維艇對閒鷗屏開翠嶂連雲巧帶曳清溪接圃幽醒夢
午薰南牖靜萍浮感慨寄蘋洲

秋日迴文

梧亭水遶碧烟荒瑟瑟清風細度涼蘆白映沙寒雁集蓼
紅披岸野鷗翔孤形笑容同花淡久眺憐雲幻狗蒼枯樹

感懷幽韻遠壺提且對晚蕖香

冬日迴文

迴峰對戶遶寒流晚歲驚心感敝裘梅放又聞香細細雪
飛還見影浮浮開樽一笑同青眼照鏡頻憐白白頭來往
迭尋相好舊栽花乞竹蔭林幽

過淮陰有感

一飯曾經漂母憐千金報爲識英賢至今釣石依然在市
上誰逢舊少年

其二

鳥盡弓藏絕可憐雉狗謀遂事徒然不羞跨下身曾屈死

恨生同噲此肩

舟次高郵

長風鼓楫到秦郵
甓社湖邊一望秋
疊浪排空疑雪舞
孤城拔地若雲浮
橫江野雀投青嶼
夾岸垂楊隱畫樓
方欲舉杯邀月上
夕陽隣笛正悠悠

儀真閒步歸舟示陶文治

真州城外水潺湲
柳市桃蹊過幾灣
齒屐踏將新綠去
角巾插得小紅還
湖山若肯容人懶
花鳥應能伴客閒
自笑塵纓猶未濯
且憑踪跡寄間關

阻風

石尤鼓怒力難撐
三老長年怯遠程
濁浪湧如奔馬至
洪濤吼似螫龍驚
樵迷谷口穿雲出
漁亂灘頭雜鳥鳴
坐看千帆都落盡
旋沽村醪慰羈情

望北固山

吳山到此盡勢若砥
江流嶺樹雲吞吐
僧房日逗留却憐
閒未得翻幸境多幽
寄語巖棲者當來問許由

感懷

飄然一葉下江東
踪跡無端似轉蓬
旅夜每驚蝴蝶夢
征途慣習馬牛風
半生惟暱毛錐子
萬事都輸箬笠翁
湖海廟堂堪把臂
憑將出處問天公

金陵懷古

幾人曾握帝王符空笑埋金念總迂險關江山留勝地氣
盤龍虎卜皇圖生憎野草埋梁殿可惜飛花暗晉都回首
六朝興廢事風高雲散月明孤

舟次女貞觀

上方樓閣響風鈴牕列諸峰似翠屏草色平連垂柳岸鐘
聲遠度落花汀當山不厭登山屐對水還思讀水經暫繫
扁舟尋舊跡蕭然夢破一燈青

登弘濟寺

磴迴梯復迴洞口百花春藥路可誰識僧房依次巡登山

凌佛頂臨水絕塵人倘遂懸冠意移家作比隣

觀音閣

高閣峙雲端登臨多異觀春濃山翠滴泉落水珠殘駒轉
魂迷遠塗迴膽愕寒慈航應在此恐悞渡人難

登燕子磯遙望金陵

磯頭劣削不可上絕腰束胸將勇往登山恰遇雨洗塵山
光雲影兩鮮新經丘歷仄越嶮仄度澗穿林披棘榛白雲
深處人煙少暗綠稀紅哢春鳥磴道逶迤互躋攀躡足巡
迴極幽渺兩腋如翼忽生風及凌絕頂接鴻濛丹崖歷歷
拱紺殿翠微隱隱徹齋鐘六朝人物今已改金陵佳麗依

然在鍾山淮水自逶迤不亞長江與大海大海迴環萬壑
趨雪浪雲峰儼畫圖朝宗自古稱無二虎踞龍蟠勢或殊
回步又值雨阻道江色溟濛看更好春山如洗似秋清先
庚後甲時宜早此磯曾聽水龍吟惟餘一線接雲岑

舟泊鎮江

輕舸穩泊向南徐回首當年登眺餘見說三吳爲帶礪誰
知百越會舟車山頭落日紅仍射渡口垂楊綠半舒明發
一帆風過處呂蒙城郭已墟墟

登虎丘

屹然若負嶠紆迴翠微路幽隱法堂偏四壁藤蘿護松杉
結蒼蓋下有千年墓秦皇厭靈辰珣野生遠慕塔巔絕四
遠嶺際分雙樹池從一劍開石可千人聚衆鳥參差歸奇
花次第布林梢風籟動岩石雲根露憑虛更聳聽海嶽窮
一顧安得點頭人細講禪宗故

蘇門送文治陶子南歸

前期方再展旋又動離愁鑑水堪移棹蘇堤且繫舟長途
春未盡廢苑鳥還幽檢點歸裝日將無怪薄遊

苦雨嘆

甲子冥冥天漏長愁風愁雨日徬徨黐黐周布日分張擗
琤絃澁銀甲狂焚鼎烟沉金猊荒黑風駕海水茫茫鬼轉

雷車碾春陽豐隆蜚廉列缺忙九垓八紘渾無方黃帝失
馭蚩尤强大湖小泮聲淋浪行潦瀾漫成汗潢池鯨沙鯁
恣跳梁穴蟻逐隊沿高墻不待秋成看築場已見原隰百
草僵柳眼桃腮涕淚滂茆屋如舟盪沅湘左江右湖若懷
襄燕雀饑墮悲空倉雞鳴樹顛犬高岡兒童弄竿溪舍旁
溝渠引漲躍鮪鱮滿目泛濫與汪洋案牘久積未披將爲
覩殘黎心憫惶力食無從幾伸肱瞻日望月枯兩眶羅聚
童叟罄趨踴再拜九叩告穹蒼轉災爲慶賴吾皇呼吸
之間仰重光霖霖溟濛盡歸藏且自酌酒舒愁腸賴有
聖明知民殃堯災湯旱亦何傷

姑蘇懷古

姑蘇城外雨肥梅吳越雄圖安在哉春草離離迷舊苑夕
陽寂寂照空臺夫差績泯陶公隱句踐謀成伍子哀極目
江臯連浦澈幾多荒塚覆蒿萊

早發

舟子咿呀發櫂歌曉鐘何處渡烟蘿倒懸月鏡沉前浦碎
剪雲紋蹙後波黃鳥弄晴成妙曲錦鱗戲藻躍盤渦不須
更作滄洲夢湖海元龍已足多

上巳卽事

曲沼橫塘傍翠微四郊春色正芳菲露桃紅渲遊人面風

柳青浮過客衣破曉林烟還冉冉妬晴花雨故霏霏低徊
士女羣相謔芍藥爭教折贈歸

寒食

江頭倚棹幾徘徊上巳方過寒食催綠樹曉鶯啼宛轉清
溪畫漿溯縈洄綿山餘俗遙悲介霍市高蹤近訪梅安得
支公方外伴扶藜同探虎丘隈

清明日泛舟卽事十二韻

節序相催不少停纔過寒食又清明風箏鬪勝羣兒聚花
鼓喧闐百戲并內殿新烟開澤國東皇舊火綴春晴山禽
欲傍檣牙語徑草偏當屐齒生莫漫鑽榆尋故事也須插

柳驗承平溪田秀麗浮紅重樓觀葱蘢蔭綠輕曲澗泉如
圍繡帶環山岫儼列雲棚名花有意勾飛蝶密樹何知引
語鶯舟楫成行趨進渡綺羅逐隊逼前行烹泉更試陸鴻
漸傳竿重傾阮步兵李白詩原消旅况陶潛賦自寄閒情
頻穿石礪依松壑隔舫悠悠弄笛聲

金山寺

矗立波心翠可攀下盤江底上雲間石廊匝漉聲湧金
殿週遭岫影閒松頂鶴來傳喞語竹邊僧過放參還可知
吳越誇形勝北固南徐共此山

清江浦寄友人

跨下橋邊石溜清
星星雙髮可憐生
閒居賦就多時立
弔古文成獨自行
欲訴春愁同燕語
解迴午夢遠雞聲
伊人宛在長淮水
一枕潺湲臥月城

寄牛元復

昔日如秋今似年
華門倚徙悵遙天
石梁水淺魚來少
苔徑花稀蝶不前
病眼徒看搖柳線
離心早訝點荷錢
一函遙寄平陽客
急挂蒲帆續舊緣

酌酒與文治

酌酒與君賞心閒
來更試搖琴如睂月
魄初吐似笑花顏
欲吟懶性偏宜尚
古曠懷久異於今
方傾大雅三五無那

漏轉更深

酒後卽席賦贈文治

憶從通籍後閱人
幾百千豈乏英偉
姿率惟利勢牽旦
旦信誓語渙若散
飛烟或爲繞指柔
或爲下石先知子
異於是久要誼不
遷素慕幽篁節雅
懷同蕙荃況秉歲
寒操霜雪志愈堅
當月乘醉咏煨爐
抵足眠偶爾成晉
接渾忘巾帶全經
史遵前哲闇修緬
古賢不爲趨時好
寧復希世憐所信
惟方寸靈源無二
田

壽宜兄王中翰

却憐傲吏寡心知
獨憶高風沔水眉
王襪曾於花底結
緜

笙還向雀邊吹玉英曉燦芝雲馥金粟秋芬桂露滋定識
潛夫饒雅會靜山遙奉百年卮

元復牛子逾約不至遣使走邀偶成一律志懷

遞變炎涼節序催秋風習習拂琴臺雲飛草閣驚鴻度雨

洗花階待客來病眼聊因山翠展愁顏低傍水瀾開

官山積翠

汶水澄瀾東平陽八景之二

倘君不負杯前約早駕籃輿過草萊

秋海棠

積霖新霽倍增妍弱體輕盈浥露鮮淡艷但宜供自悅嚴
粧似不受人憐乘春芍藥愁陰雨趁曉芙蓉怯暮烟獨此
其姝稱靜女何須闔苑覓真仙

立秋日雨步徐長文韻

迅駛光陰不暫留百川交瀉玉虹流簷垂白練纔聞雨江
老青楓又報秋遙憶飲川誰洗馬還憐歌石自驅牛杜陵
韋曲驚寒早擬向錢昆問蟹州

高僧釀酒

解悟禪宗不在醒醉鄉穩睡可忘形欲從清濁叅賢聖故
着袈娑造醪醕貝葉封瓶香不淺蓮花和麩味尤馨自今
上座除煩惱釋部應添註酒經

名妓繙經

舞態歌容日厭新欲將貝葉淨風塵拈來織手香先妙印

詩懷堂詩集 卷之二十七
去芳心諦更真鸚鵡如傳唵喇字蓮花頓悟色空因魚聲
敲破鴛鴦夢認取維摩不染身

書生踐戎馬之場

表表詞林景大儒翩然談笑握兵符登壇檄草毛錐子射
策鋒生金僕姑奏對萬言仍倚馬運籌百中且投壺由來
禮樂藏韜畧輸爾麒麟第一圖

將軍遊圖書之府

共仰登壇蚤拜侯却來東壁效勤搜六韜已得龜龍秘八
陣仍從河洛求巧悞雲旗摹鳥篆輕拈霜穎解吳鈞莫言
甲冑非縫掖自古英雄尚闡修

登濟南城望千佛山

雲氣開晴旭山山遠見峰谷虛常聚牧巖峭但孤松荒寺
狐投穴磽田草偃封髡然凝望盡誰肯駐遊蹤

其二

曾此登臨地徘徊感慨頻從經桑海換幸際治平新雲物
堪爲政烟霞獨結鄰酬恩方未暇詎敢說尋真

初秋夜坐

涼氣初侵暑慚收同人命酒共綢繆談深微見纖纖月坐
久旋驚的的秋歷亂花香霏玉案蕭疎梧葉泛金甌曉雞
將報更籌換猶自流連謝眺樓

秋霖分賦

雲橫秋嶺漫輕烟霖雨瀟瀟散渚川禾黍葳蕤蒙解澤士
農嬉笑誦靈篇預知大有除荒政不憚徵收稅薄田從此
無須勤 聖慮寰中戴德頌堯天

四聲草自序

易爲象遠取諸物風人往往托諸物以爲比興聖經言大
人之學先格物然則物也者已之對也一物不知惟已之
恥余膺

朝廷新設之任日搜剔佩犢而操尺筆以從事粗且俗孰
甚而欲求工於吟咏難矣吟之咏之於物類而工之又難
之難矣乃余則舉俯仰間所耳而目者類其目一百有六
按四聲之全而各以韻之次第押之稍暇則擁鼻以哦刻
不自懈或有笑其迂且苦者余應之曰詩不云乎他山之
石可以爲錯此以粗攻潤也今吾爲此以潤攻粗亦奚不

可者夫聖人察物必先明物物各有情是其本也而況於人由此通之佩犢者其亦有所迫而然而本然者遂分耳警覺於尺箠中安見其不賣所佩而犢之買耶余因是瞿然以思悠然有得即不敢異窺易與詩與聖經之蘊而庶幾由是以就正於高明或不至終淪於粗且俗也則誠幸甚

課慎堂詩集卷十一

四聲草目錄

日 一東

月 二冬

星 三江

漢 四支

風 五微

雲 六魚

雷 七虞

雨 八齊

電 九佳

霜 十灰

露 十一真

雪 十二支

虹 十三元

霧 十四寒

電 十五刪

山 一先

海 二蕭

陵 三肴

巖 四豪

谷 五歌

岸 六麻

河 七陽

江 八庚

湖 九青

澤 十蒸

澗 十一尤

郊 十二侵

野 十三覃

林 十四鹽

徑 十五咸

亭 一東

臺 二冬

牕 三江

門 四支

榭 五微

樓 六魚

檻 七虞

池 八齊

橋 九佳

廊 十灰

廬 十一真

閣 十二文

砌 十三元

圃 十四寒

井 十五刪

床 一光

几 二蕭

枕 三肴

帷 四豪

簟 五歌

塵 六麻

瓶 七陽

香 八庚

酒 九青

茶 十蒸

燈 十一尤

筍 十二侵

箏 十三覃

刀 十四鹽

錐 十五咸

牡丹 一董

芍藥 二腫

桃花 三講

李花 四紙

杏花 五尾

玉蘭 六語

葵花 七麌

木香 八霽

紫薇 九蟹

薔薇 十賄

梔子 十一軫

海棠 十二吻

丁香 十三阮

紫荊 十四旱

萱花 十五潛

梅花 十六銑

迎春 十七篠

玫瑰 十八巧

蓮花 十九皓

榴花 二十哿

芙蓉 二十一馬

麗春 二十二養

合歡 二十三梗

菱花 二十四迥

金盞 二十五有

瑞香 二十六寢

梨花 二十七感

珍珠 二十八琰

探春 二十九賺

鳳 一送

鸞 二宋

孔雀 三絳

鶯 四寘

鸚鵡 五末

百舌 六御

鴉 七遇

鵲 八霽

鳩 九泰

鷓鴣 十卦

雉 十一隊

雁 十二震

鶴鷓 十三問

鴛鴦 十四願

鷗 十五翰

鳧 十六諫

燕 十七霰

鷺鷥 十八嘯

鷓鴣 十九效

鷓鴣 二十號

鳶 二十一箇

鷹 二十二禡

雀 二十三漾

提壺 二十四敬

啄木 二十五徑

畫眉 二十六宥

白鷗 二十七沁

鷄 二十八勘

鴨 二十九豔

鵝 三十陌

梅 一屋

桃 二沃

杏 三覺

棗 四質

李 五物

梨 六月

櫻桃 七曷

石榴 八黠

荔枝 九屑

柑 十藥

橘 十一陌

枇杷 十二錫

核桃 十三職

蘋婆 十四緝

葡萄 十五合

栗 十六葉

柿 十七洽

課慎堂詩集卷十一

四聲草

銀城李興祖廣寧著

受業陶

岐文治

校

古駮王 楫汾仲定

男

鰲又白

日 一東

陽德昭君象朝升若木東朱明從海外黃道轉輪中
衰盾恩威別虞皇化育工羣陰皆退伏曦照萬方同

月 二東

西原睂露彩東海鏡開封朔望分圓缺陰晴別淡濃
登樓懷抗爽泛渚意從容遠近清輝徧娥池影暈重

星 三江

如碁全布局綴影落千江九野遵皇度三垣應帝邦珠連
隨曲直壁合間單雙誰識賢人聚星文映夜牕

漢 四支

倬彼中天界平分兩岸垂祇今思鵲駕終古見河湑的皪
星千點空明月一規源頭如可問鼓棹欲從之

風 五微

來去渾無跡吹噓不少違竹搖青影瘦池織錦文肥偏與
雲為會能從虎作威飄揚驅霧急六鷁早翻飛

雲 六魚

隨時舒更卷五色覆烟廬布野如懸金將霖似濯魚官名
傳帝紀蓋影表宸居既已成膏澤無留掩太虛

雷 七虞

列缺騰威迅豐隆勢若驅龍蛇驚久蟄草木起重枯鼓駭
蟠山動車轟迸地呼啓滕昭聖德破柱驗工夫

雨 八齊

商羊初鼓舞石燕競高低林杏濯枝潤汀蒲灑葉萎滂沱
月離畢霖霖雪成泥隴畝皆優渥祈甘慰庶黎

電 九佳

阿香開雨部列缺徹風霾神焰鞭天表靈華鏡海涯金蛇

言慎堂詩集 卷十一 二
穿迅速火線幻形骸閃爍光無定蜈蚣伏首埋

霜 十仄

露葭溥未已青女又相催素影欺紈扇清英結玉臺信隨
秋雁降華逐曉風開葛屨何堪履凌晨莫蚤來

露 十一真

湛湛晨光動溥溥夜氣勻銅盤承玉淨仙掌滴珠新翠濕
松筠重清瑩蘭蕙春生成大君惠率土沐弘仁

雪 十二文

碎玉飄颻落霏霏物象分窈翻松杪月梅綻嶺頭雲披斃
尋漁父焚香檢蠹文誰憐僵臥客破壁舞紛紛

虹 十三元

雨餘雲漸薄吐彩架昆侖分界知陰霽因時卜曉昏類形
橋取象掛影帶爲痕飲澗忽明滅雌雄豈易論

霧 十四寒

薄隱長空日遙含四壁巒沾衣猶雨濕拂樹似烟霞楚澤
迷曹騎平城脫漢鑾莫將張楷術浪作蚩尤觀

雹 十五刪

雨與風相吼晶宮碎碧灣質堅如墜石響徹似崩山韓令
勲猶載商君事不刪聖人常御極且莫惱塵寰

山 一先

爭峙乾坤內輿圖載已全名從州邑著蹟自古先傳封祀
崇當代攀躋俟晚年從膺疆土貢何暇學登仙

海 二蕭

四海滄溟合浮空汝與潮蜃樓雲外迴魚市島中饒消長
曦輪準盈虛月暈標時平波不起自在百川朝

陵 三肴

大阜憑虛起逶迤接遠郊如龍蟠寢殿似鶴踞仙巢楚識
桓公次秦思蹇叔教菁莪宣上德莫作垤嘍嘲

巖 四豪

絕壁嵐光迴懸崖月影高安龕容老衲置屋狎雛猱棲息

多仙跡飛昇更女曹黃冠迷處所蒼翠遶周遭

谷 五歌

幾見彝高岸旋看成曲阿徑幽蘭氣簇地僻足音和李愿
居仍在愚公姓未譌休誇榮辱事菊水壽延多

岸 六麻

南北相通處汭流可繫艇夾河長似帶繞郭曲如蛇共濟
心期壯先登覺路賒潮平帆去疾客思杳無涯

河 七陽

源自崑崙出派通星宿長迸流連馬頰奔駛入龍鄉沉璧
神功奏呈圖帝德揚千年稱利涉一葦問誰航

江 八庚

岷山源浩浩嶓塚瀨泓泓南紀三湘接東流九派并投鞭
氣何壯沉鎖績應成聖主持襟帶浮舟負不驚

湖 九青

浩蕩茫無際波涵萬頃渟銀盤浮碧落玉鏡照蒼冥欲覓
鷗鷺跡還求曼倩靈汪洋堪縱目賀監有高亭

澤 十蒸

春陂時雨注秋曠野雲蒸雁落分沙渚漁家半阜陵左徒
曾採蒞長史舊呼鷹三反羊裘在爰勤聖主徵

澗 十一尤

蒹蒹縈迴去微瀾激浪頭青山分兩岸碧水適中流移渡
清塵日采蘋被化秋考槃人在否空谷足音留

郊 十二侵

東原輝麗萼西牧茂幽林疎柳垂堤曲芳蘭被澤深天時
看雨露農事卜晴陰南北承琮璧埏壇見聖心

野 十三覃

山障秦郊北雲連楚澤南荒沙迷遠樹廢寺隱晴嵐家計
樵兼獵村姑髻不簪遙聞喧笑處全莫辯鄉談

林 十四鹽

百頃幽篁靜千章夏木兼交枝蟬語接叢葉鳥巢潛似掛

連雲幃疑懸避雨簾董仙栽杏處野雀集無嫌

徑十五成

康莊從履坦枉道卽巉巖取捷誰云易遵行自可芟孔門
傳彥跡老子畏民畧獨看陶徵士荒來草未剗

亭一東

池邊楊柳苑邊桐寂寂沉香護綠叢烟鎖畫欄春草碧花
開繡檻晚霞紅却憐華髮同飛絮且喜閒雲伴醉翁塵累
潛銷巾屨外山椒飄映酒旗風

臺二冬

百尺憑凌聳若峰俯臨長嘯豁心胷鳥飛零露添雲翼杖

拄通天浥月容林外溪山烟霧繞海中島嶼水烟封不堪
回首紅塵裡野馬醯雞觸處逢

廳三江

也效子華闢石淙矐矐日影透晴牕聽來檻外雞談隻舞
過池邊雀影雙安得魚箋長似錦助揮兔頰大如杠論文
坐久心煩渴欲向春風吸遠江

門四支

樞動曾爲榮辱之東方待詔集於斯乾坤出入無窮象啓
閉關防有定司漫擬留侯車滿日殊憐罷相雀羅時推敲
月下乘幽興高大誰云未可期

榭五微

構空敞宇映霞暉
棧石梯雲面面圍
當露臺寒修篔簹
迎霜亭冷換荷衣
曉收落木千山色
秋納澄江片月輝
向夕還聞歸牧笛
此中饒覺世情稀

樓六魚

乘月登臨眼倍舒
元規清興復何如
自非閬苑誰能擬
應是仙人獨愛居
簾捲山光當鳥道
牖吞雲氣對龍沮
須知燕子巢邊事
惆悵恩深涕淚餘

檻七虞

爲愛西山入畫圖
欲憑舒嘯闢廊隅
月延松榻添予嬾
風偃花枝賴爾扶
留客平衡擎玉臂
可人斜隙覩金壺
但愁酒盡更闌後
露冷空簷夜色孤

池八齊

誰引流泉入柳堤
一泓環護落花蹊
昆明雷雨鯨魚動
太液烟雲海象迷
鳥浴波心光上下
荷翻水面影東西
重期踏月新秋際
樽酒無空此夜攜

橋九佳

一派清流俯斷厓
竹梁浮板架空排
勢如虹貫橫秋漢
矯若龍騰跨水涯
欲試高騫題柱意
還思弘展濟川懷
但如孺子逢黃石
圯下何愁更墮鞵

廊 十灰

芳園深在碧山隈層厦飛甍次第開曲檻紆縈遲月轉周
堂杳篠帶雲迴春廡曾肯安高士步履還來覓舊醅寢廟
離宮人跡少堦延蔓草壁延苔

廬 十一真

亂雲堆裡結茅新避俗聊堪學隱淪林宥只宜通鳥路蹊
深自可絕車塵圖書四壁人孤坐花竹三間月作隣幾片
殘霞飛戶外杖藜興每在芳春

閣 十二支

不讓樓樓倚白雲四圍空敞納晴曛何須天祿名徒勝自

比滕王景出羣水勢潺湲林外轉山形率律望中分牕閒
高掛梧桐月夜靜還披石室文

砌 十三元

竹為籬舍菊為垣逕嵌文磚直到軒淨掃秋苔開蟻路平
孿露草暢蛩言空階時補安碁局層級旋添護寢門破寂
不嫌佳客至茶鐺永日敘寒温

圃 十四寒

竹邊臺謝水邊欄屋畔園畦可即安間插棘針防盜笋日
鋤茅刺欲栽蘭一番過雨煩襟滌無數飛禽冷眼看莫謂
勞勞同學稼滿前葑菲足盤餐

井 十五刪

敢效將軍刀刺山何須九軛自潺湲金瓶素縷懸天影古
甃銀床墮月環甘冽潤鑄泉潔潔澄泓漱齒意閒閒爲君
不變清寒德致使人人抱瓮還

床 一先

溪月明如濯錦川流光遙度畫欄前足撐影側形猶正繩
結文斜體自全塵積兢傳虞愿節坐來誰識士恭賢家貧
但許蒲相貼移向齋頭任穩眠

几 二蕭

故鄉千里一身遙對爾攤書慰寂寥逸少墨花光燭夜宗

元文氣壯凌霄何須青玉情方適祇就烏皮興已饒枯槁
應憐南郭子脫然身世若承蜩

一 枕 三肴

安穩藜牀似有巢遊仙勝侶夢中交夜明光徹渾難寐琥
珀香清得未淆驚寤温公隨世重質錢諫議可誰嘲郎基
舊事吾能記時把義經檢卦爻

惟 四豪

彩綴紗紋馬帳豪輕羅裁就避蚊騷平懸夜燭延秋月周
匝紅蓮泛綠濤太守補穿名自重司空入夢致猶高欲知
決勝疆場外深密機謀藉爾操

簞 五歌

蘄州籊竹大陵河織就籊條巧思多冷似龍鱗清汗暑滑
如薤葉潤香窩南牕寄傲成高枕東閣留歡展薄羅三伏
不教炎氣入王恭持贈本無他

塵 六麻

瀟灑襟期借爾誇主賓相對吐雲霞柄裁瑩玉傳王氏尾
曳游纓想謝家引月招風情不厭揮塵拂暑興偏奢可憐
一代清談勝留得餘波及齒牙

瓶 七陽

逡巡蕙英逼重陽拂拭銀罌索酒嘗行雨閨人敲戶急問

禪刺史煉身忙一盃到處為生計五斗何時不醉鄉博得
古陶稱胆號將來懸壁貯花香

香 八庚

博山爐煖火潛明一粒奇丸徹太清文準刻分凝像異篆
連宵且聚烟輕建章雞舌超蘭茝石國龍涎軼杜蘅欲效
陳平為宰事恐無餘半賜微生

酒 九青

白衣相對日忘形笑把松醪手不停莫以葡萄誇大宛曾
將桑落獻彤庭尊開北海應難繼醉比中山豈易醒寄語
高陽舊同志人生百世似流螢

茶 十蒸

陸家春圃闢高陵穀雨新槍露尚凝
月片製來青玉嫩風爐煮就白雲蒸
毛人橘贈懷中否骨鬼錢還夢裏曾
但效盧仝能七椀何愁煩暑不清澄

燈 十一尤

達旦熒熒炯未休終宵不耐貼衾稠
半枝香蕊傳佳兆一寸丹心徹畫樓
但任光分穿壁士何從暗累絕纓儔
流輝凝焰疎簾外幾着殘棋爲爾留

筇 十二侵

羨爾輕裝伴藝林便予行止得披尋
見蛇自是能占綴識不慕巾箱貴喻意
泥塗故故吟柳何須更博金便腹孝先堪
稱意繡腸子建是同心莊生

筴 十三覃

長夏炎蒸斗指南全憑翟羽助清談
合歡名自矜懷袖驅暑情同戀盍簪
潔似鷺翻翻雪窟輕如蟬翼駕風驟
逢秋便欲成捐棄分得嵇生一不堪

刀 十四鹽

三尺寒光足戒嚴吹毛析理試鋒銛
椎奴鯉化成金鐵冶監神傳合潤炎
抽水細分魚腹縷含風旋舞鼠鬚尖
呂虔解贈非無意預識他年將相兼

詩懷堂詩集
卷一十一
錐 十五咸

數椽茅屋隱雲巖藉爾書沙當石函刺股蘇秦心倍苦處
囊毛遂口難緘應知器利同霜刃自有機鋒勝鐵劊休笑
貧來無立地請纓補履別英凡

牡丹 一董

香艷冠羣芳洛陽最葱蒨春風不敢欺含情自欣動

芍藥 二腫

國色與天香惟稱廣陵種倚嬌醉露濃窈窕邀君寵

桃花 三講

灼灼媚青春山家開滿港武陵隔匪遙洞口人曾講

李花 四紙

枝散瑤臺雪根盤擬老子與桃稱弟兄公門比佳士

杏花 五尾

移來上苑姿文園添有斐春風十里紅榮華異羣卉

玉蘭 六語

枝枝吐月香瑤殿誰堪侶何故厭紅粧問花花不語

葵花 七麋

向日吐丹心黃冠堪與伍摘將雀足青儘可供錡釜

木香 八霽

含苞初夏時漸次幽香遞蔓架復紛披悠然念根柢

紫薇 九蟹

偏得省郎看風枝自瀟灑濃粧浥露華不逐炎涼解

薔薇 十賄

歲隄簇錦芳高架仍敷彩攀枝怯纖芒露衣香不改

梔子 十一軫

蒼荀名偏宜氣和色不泯杜陵江上吟留作一標準

海棠 十二吻

數片醉鶯腸一枝沾蝶吻太真睡方醒香汗浣紅粉

丁香 十三阮

枝裹綠雲重香實結春晚吹蘭堪比氣若與東風遠

紫荆 十四旱

粉蘂兢勻霞風枝舒復緩爲思雁行人對爾情款款

萱花 十五潛

葉抽翠帶長花簇黃絲縮樹此定忘憂北堂時在眼

梅花 十六饒

冷艷雷中尋孤山稱妙選隴頭寄贈時始信春光轉

迎春 十七篠

中色貴如金冒雪輝春曉問何開獨先取媚諸年少

玫瑰 十八巧

異香郁郁含生怕東風撓綴額作濃粧天然稱妙巧

蓮花 十九皓

濯濯賜緋人生成自濁潦端然擁翠蓋瞻望姣且好

榴花 二十哥

誰剪碎紅綃團成花似火插將玉女釵霞披翠雲朶

芙蓉 二十一馬

秋容潔且鮮恍若浮空下脂態復輕盈靚妝自都雅

麗春 二十二養

露濕翠華濃艷冶恣游賞蝴蝶浪相猜佳人費心想

合歡 二十三梗

含嬌夜欲雙吐絲綴斷梗玉顏帶微酡不肯看孤影

菱花 二十四迴

細根盤泥心密葉浮波頂花發鏡中容影從月下凋

金盞 二十五有

葉綠映松醪花黃對藥臼四時醉眼看更字長春友

瑞香 二十六寢

攢藥擬丁香清芬稱絕品春將綉幙融吉夢來鴛枕

梨花 二十七感

冷艷帶霜濃寒香欺梅淡春風莫漫吹留與閨人攬

珍珠 二十八琰

獨擅寶光名綴枝燦星點更疑鮫人居積淚未曾斂

探春 二十九 賺

為欲迎曦陽臨風復倚檻冰肌怯早寒濡露花尤湛

鳳 一送

阿閣曾傳更紫庭秦樓浪說簫聲弄九苞五彩啓文明漢

帝編年徵遠貢

鸞 二宋

彩翩翩下玉臺為駕仙輶作隨從東方遙認是青衣漢

室今傳王母頌

孔雀 三絳

誰識尼山舊有禽射屏往事傳間巷金光翠尾動人憐取

以名經法王降

鶯 四真

如簧細囀百花叢出谷遷喬堪取譬乍去乍來求友聲金

衣公子饒丰致

鸚鵡 五未

每向雕籠憶隴山能將巧舌為人貴因思遙問上皇安千

載傳來生敬畏

百舌 六脚

聞關巧囀少同聲如管如絃復如語較比綿蠻更賞心餘

音猶在花深處

鴉 七遇

矯翼凌風帶夕暉不知棲息誰邊樹三匝還尋月下枝因
憐反哺增人慕

鵲 八霽

喜為行人報好音填河但怕頭毛敝幾番繞樹補危巢又
恐鳩居多失計

鳩 九泰

雨止林中呼婦歸寄巢生子渾無賴斑然錦翼輝春深故
向何人遺金帶

鷓鴣 十卦

鈎輈格磔自呼名金翠滿身翔越界曲罷佳人欲斷魂南
來北客聽還怪

雉 十一隊

祠成陳寶若雞鳴馴集隨車功蓋代羽翼文明性介然雄
雌並喚稱良配

雁 十二震

年年不爽去來期影斷衡陽難成陣紫塞銜蘆謝抱關平
沙飲啄尤詳慎

鶻鷃 十三問

飛鳴自得在桑林羽染陶潛籬菊暈綿蠻只覺有餘情時

轉時停時遠近

鴛鴦 十四願

夜夜沙汀交頸眠風牽翠荇青莎蔓追隨不忍暫時離那
似人間多別怨

鷗 十五翰

雪羽冰心自絕塵成羣逐伴嬉沙岸芳塘細草是平生
生憎海翁機未斷

鳧 十六諫

或翔或集自翛然颯沓毳遊碧澗太史尚方早連絃
王喬烏影驚仙幻

燕 十七霰

漢后偏因爾得名舞風戲水輕盈見差池下上啄泥香可
有昭陽舊巢戀

鷺鷥 十八嘯

雪羽霜翎不染塵飛從溪渚宿林嶠窺魚悄立綠蒲叢
遍體梨花凝夕照

鷓鴣 十九效

為憐日暖戲溪沙雙集雙飛復雙效毛羽如霞映夕暉
鴛鴦行差許與相較

鳩鵲 二十號

諫懷堂詩集 卷十一 十七
初編
緩行江浦炯雙睛時向蘆葦頻呼噪鼓翼翻飛唳遠天優
遊飲啄從歡好

鳶 二十一箇

聳翅翻身凌碧霄鴻冥雀舉渾無那莫爭腐鼠嚇鷓鴣好
作前驅突塵破

鷹 二十二碼

乘風矯翮起雲霄劒爪星眸秋獨駕百獵無爾不張威飛
來如電蒼狐怕

雀 二十三漾

大厦初成申賀忱銜書表瑞傳天相梅花擁雪傍高簷飛

啄翩然知敬讓

提壺 二十四敬

林中紅樹錦鮮新林外青帘春掩映漫向東風問酒壚欲
憑爾語宣觴政

啄木 二十五經

欲向林中飽蠹虫琤琤碎響山谷應恰如有客叩柴荆時
動幽人傾耳聽

畫眉 二十六宥

天然眉彩那能描日向金籠叫清晝婉轉隨人弄巧聲纔
收螺子張郎又

白鵬 二十七九

刷毛顧影立清秋碧礪如將白練浸孤潔恥同雉子斑瓊
林棲止瑤池飲

雞 二十八勘

兼全五德伴秋臆棲堞司晨隨飲啗一片霞冠曉夜明三
鳴月落星河淡

鴨 二十九艷

喙喋池塘不離羣短毛宛頸浮瀲灩如今已去償金人飲
水啄梁無別念

鵝 三十垢

紅掌霜衣戲淺沙成羣更向波中蘸黃庭難得右軍書道
士偏能將爾賺

梅 一屋

玉盤磊落薦紅瓊煮酒方期如豆熟遙指前林止渴軍調
羹更藉成枚卜

桃 二沃

曾向天台療客饑種當西母歲千屬仙家借此薦長生寄
語東方偷莫數

杏 三覺

靈山鴨脚半青紅黃鳥枝頭頻剝啄還主已成張子廉販

貧換穀誰能學

棗 四質

朱實離離供豆邊
安期剖得甘如蜜
拈來堪比赤心投
敢向君王誇異質

李 五物

上林龍種玉為丸
味奪靈泉甘沸沸
不有諸兒相競銜
誰知王子能格物

梨 六月

釘坐渾疑露結成
嚼來玉液寒生骨
種移太谷下仙都
良夜憑君談不歇

櫻桃 七曷

火齊纍纍滿瓊枝
時向朱明資採掇
瑛盤捧出得分嘗
豈數蔗漿能止渴

石榴 八黠

金膜鮮明子滿窠
剖來玉椀紅珠滑
美人甘裡笑含酸
嚼出瓊漿心妬殺

荔枝 九屑

紫鯊圓殼裹玄霜
肌薄理豐味自別
誰使遐方貢異珍
太真一笑凝香舌

柑 十藥

傳來異種最泥山結實經霜金灼灼內殿羅封賜近臣
廬江太守廉曾却

橘 十一陌

霜林錯落黃金丸光耀瑠盤星聚魄得種千頭誇木奴懷
歸遺母宜珍惜

枇杷 十二錫

餐霜飽露燦金光似蜜如飴漿滴瀝世俗訛傳樂器名如
何賀老不先摘

核桃 十三職

西域移根逐漢臣外剛內脆充乳食酒邊膈膊動牙車頭

上霜毛應漸黑

蘋婆 十四緝

玉肌半醉楚江苹香味方蘭價倍十解渴何須望露莖甘
寒繞齒蔗爲汁

葡萄 十五合

光攢馬乳穗垂垂解渴除煩意翛颯摘向霜藤貯赤瑛釀
成偏稱張騫榼

栗 十六葉

楚宮見說樹同榛黃玉旋開甘滿頰祇可一丸報赤心四
三豈博狙狙愜

柿 十七洽

燃雲燒樹卵垂虬爭啄金烏羣喋噉一顆寒生味倍甘
况兼七絕資歡洽



